



Esritoriu AA iha Edifisiu MoF

Saudozo: Komisáriu José Abílio (1958-2024).

Autoridade Aduaneira (AA) Timor-Leste no nasaun ida ne'e lutu hela ba saudozo Komisáriu Jose Abílio, ne'ebé moris iha tinan 1958 no hakotu iis iha 13 Maiu 2024, de poizde moras durante fulan tolu. Komisáriu Abílio dedika nia vida iha funsionariu publiku, hodi kaer pozisaun oin-oin iha munisípiu no iha Ministériu Finansas laran iha tinan 7 liuba. Ninia kareira diferente sira atinji alvu bainhira nia sai nu'udar Diretór Jerál primeiru ba Autoridade Aduaneira, no depois sai Komisáriu AA.

Lideransa di'ak ida ba modernizasaun, Komisáriu Abílio sai ema importante hodi

Autoridade Aduaneira no AEMTL organiza Eventu Konversa Komérsiu.

Autoridade Aduaneira (AA) Timor-Leste no Associação Empresarial das Mulheres de Timor-Leste (AEMTL), ho apoiu husi USAID/Timor-Leste Trade Governance Activity organiza eventu Konversa Komérsiu nian ida iha Maubara Room, Timor Plaza, Objetivu ba eventu ne'e mak atu melhora comunidade komersiante sira nia kompiensaun kona-ba prosedimentu liberaasaun ba importaasaun no esportasaun. Partisipante liu ema na'in 65, inklui ekipa midia mós má partisipa iha eventu loron sorin refere. Liafuan abertura nian husi Komisáriu Interinu Sr. Armindo dos Santos tuir fali ho Sr. Robert Barton, Diretór Misaun - USAID nian, ne'ebé reafirma kometimentu Misaun USAID nian

aliña ho lei AA, ninia sistema, no prosedimentu sira ho padraun internasionál sira ne'ebé fo sai husi Organizaasaun Mundiál Komérsiu (OMK), ASEAN Trade in Goods Agreement (ATIGA), no Revised Kyoto Convention (RKC). Komisáriu nia esforsu sira halo nia hetan apresiasaun aas husi Ministériu Finansas, staff AA, no doador Internasionál barak tan.

Abílio nia vizaun lideransa husik hela memoria ne'ebé ita labele haluha iha operaasaun Alfândega Timor-Leste nian no sei lembra no valoriza nafatin husi ema sira ne'ebé hetan ona previléjiu hodi servisu ho nia.

hodi suporta fasilitasaun komérsiu iha Timor-Leste nian liuhusi Atividade Governasaun Komérsiu no ninia parseria ho AA. Diretor Ivo Gomes apresenta apresentaun audiovisual ida ne'ebé kapa'as tebes kona-ba aspeitu xave sira ba prosesu esportasaun no importaasaun alfândega nian.

Prezidente AEMTL mós koa'lia hodi rekoñese melhoramentu sira iha prosesu Alfandega nian, maibé fohanoin katak birokrásia iha Portu Tibar no Batugade negativamente fo impaktu ba atividade komersial.

Partisipante sira hato'o sira nia apoiu ne'ebé forte ba eventu ne'e no husu atu iha tan sesaun hanesan iha futuru.



Sr. Ivo Gomes

Komisáriu Interinu

Sr. Armindo Dos Santos

Komisáriu Interinu Lidera Autoridade Aduaneira iha Tranzisaun laran.

Autoridade Aduaneira (AA) Timor-Leste, ajénsia xave governu nian ne'ebé responsavel hodi rekolha reseita kona-ba importaasaun no esportasaun no protesaun ba fronteira nian, agora daudaun ne'e laiha komisáriu permanente.

Hodi haree ba lakunas ida ne'e, Ministériu Finansas (MoF) nomeia ona ofisiais

AA senior nain rua atu sai Komisáriu Interinu: Diretór Nasionál Operaasaun, Sr. Armindo dos Santos, ka karik nia laiha, Diretór Nasionál ba Jestaun Konformidade Aduaneira, Sr. Ivo Gomes. Aranjamentu temporáriu ida ne'e sei kontinua eziste até Komisáriu foun ida nomeadu husi Governu Timor-Leste (GoTL).

Ba situaasaun atuál, AA sei kontinua ninia servisu importante sira ho lideransa husi Sr. Armindo dos Santos ka Sr. Ivo Gomes.

Feto AA rekoñesidu nu'udar Espesialista Tékniku ba OMA.

Mana. Livia Soares de Deus, feto foin-sa'e ida husi Autoridade Aduaneira selesionadu ona nu'udar Professional/Expert Associate ba Bolsu Estudu Dezenvolvimentu Kareira nian iha Organizaasaun Mundiál Alfandega (OMA) iha Brussels, Belgium. Programa prestiozu ida ne'e hetan fundu husi OMA, no sei hahú husi Setembru 2024 to'o Julu 2025.

Seleisaun ba Mana Livia hatudu ninia espesialista no lideransa iha formasaun teknikal alfandega nian, tantu iha Timor-Leste no Internasionálmente. Mana Livia mós hetan sertifikadu ba Master Trainer

Program (MTP) kona-ba Harmonized

System (HS) iha projetu konjuntu WCO/JICA nian iha Pacific Island husi tinan (2021-2024). Agora daudaun Mana Livia nu'udar Xefe Seksaun ba Klasifikasaun HS nian iha Gabinete Diretór Nasionál Jestaun Konformidade Aduaneira.

Ekipa Jestaun Autoridade Aduaneira (AA) no Ministériu Finansas hatudu ona sira nia orgulhu boot ba Mana Livia nia atinjimentu no espera katak nia dedikasaun sei inspira ofisial sira seluk hodi kontinua sira nia dezenvolvimentu profesional.

Parabéns ba Livia iha ninia jornada foun ba dezenvolvimentu profesional.

Autoridade Aduaneira Muda fatin ba Edifisiu Ministériu Finansas.

Autoridade Aduaneira (AA) Timor-Leste Timor, divizaun xave ida iha Ministériu Finansas (MoF), pruntu ona atu muda husi nia fatin atuál iha Colmera ba iha Edifisiu Ministériu Finansas iha Aitarak-Laran, Dili. Relokasaun ida ne'e aliña ho planu husi governu foun ba re-estruturasaun nian.

Prosesu relokasaun hahú iha semana datoluk fulan Juñu no espera atu remata iha fim de Julu 2024. AA sei okupa andár da-6 husi edifisiu MoF nian.

Ekipa AA antisipa nomeasaun ba Komisáriu AA foun iha tempu badak, ne'ebé sei lidera instituisaun nia esofrsu ba modernizasaun no hadiak koordinasaun ho MoF.



Livia Soares de Deus